

## Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

## एज्रा

कुसूरू बन्दियन क वापसी मँ मदद करत ह

१ फारस क राज्ज कुसूरू क सासन क पहिले १ वरिस यहोवा कुसूरू क आत्मा क एक ठु घोसणा करइ क बरे उत्साहित किहस। कुसूरू उ घोसणा क लिखवाएस अउ अपने राज्ज मँ हर एक जगह बँचवाएस। इ एह बरे कीन्ह गवा रहा ताकि यहोवा क उ संदेसा जउन यिर्मयाह क जेरिये कहा गवा रहा, पूरा होइ सकइ। घोसणा इ अहइ :

२ फारस क राजा कुसूरू क संदेसा :

सरग क परमेस्सर यहोवा, धरती क सारे राज्ज मोका दिहेस ह अउर यहोवा मोका यहूदा देस क यरूसलेम मँ ओकर एक ठु मन्दिर बनावइ बरे चुनेस। ३ यहोवा, इस्राएल क परमेस्सर अहइ, उ परमेस्सर जउन यरूसलेम मँ अहइ। जदि परमेस्सर क कउनो लोग तोहरे बीच रहत अहइ तउ मइँ इ पराथना करत हउँ कि परमेस्सर ओका आसीबाद देइ। उ पचे क यहूदा देस क यरूसलेम मँ जाइ चाही। उ पचे यहोवा क मन्दिर क बनावइ बरे जाइ चाही, ४ अउर एह बरे कउनो भी उ जगह मँ जहाँ इस्राएल क लोग बचे होइँ। उ जगहिया क लोगन क ओन बचे हुवन क मदद करइ चाही। ओन लोगन क चाँदी, सोना, गाइ अउर दूसर चिजियन द्या। यरूसलेम मँ परमेस्सर क मन्दिर बरे ओका भेंट द्या।

५ एह बरे यहूदा अउर बिन्यामीन क परिवार समूहन क प्रमुखन यरूसलेम जाइ क तइयारी किहन। उ पचे यहोवा क मन्दिर क बनवाइ बरे यरूसलेम जात रहेन। परमेस्सर जउन लोगन क प्रोत्साहित किहे रहा उ पचे भी यरूसलेम जाइ क तइयार होइ गएन। ६ ओनकर सबहिं पड़ोसियन ओका चाँदी अउर सोना क चिजियन औजार, जनावरन अउर कीमती चिजियन क ओन दुसर चिजियन क अतिरिक्त जउन उ पचे मेल भेंट क रूप मँ दिहन, दइ क ओनका मदद किहन। ७ राजा कुसूरू भी ओन चिजियन क लिआवा जउन यहोवा क मन्दिर क रहिन। नबूकदनेस्सर ओन चिजियन क यरूसलेम स लूट लिआवा रहा। नबूकदनेस्सर ओन चिजियन क अपने उ मन्दिर मँ धरेस, जेहमाँ उ अपने लवार देवतन क धरत रहा। ८ फारस क राजा कुसूरू अपने उ मनई स ओकरे

धने क देखरेख करत रहा, एन चिजियन क बाहेर लिआवइ बरे कहेस। उ मनई क नाउँ मिथूदात रहा। एह बरे मिथूदात ओन चिजियन क यहूदा क प्रमुख सेसबस्सर क लगे लइके आवा।

९ जिन चिजियन क मिथूदात यहोवा क मन्दिर स लिआवा रहा, उ सबइ इ सबइ रहिन: सोना क भाँड़ी ३०, चाँदी क भाँड़ी १,०००, चाकू अउर कड़ाहियन २९, १० सोना क खोरन ३०, सोना क खोरन जइसे चाँदी क खोरन ४१०, अउ १,००० दूसर तरह क भाँड़ी।

११ सब मिलाइके हुवाँ सोना चाँदी क बनी पाँच हजार चार सौ चिजियन रहिन। सेसबस्सर एन सबहिं चिजियन क अपने संग उ समइ लिआवा जब बन्दियन बाबेल छोड़िन अउर यरूसलेम क वापस लउट गएन।

छुटिके वापस आवइ वाले बन्दियन क सूची

१ इ सबइ राज्ज क उ सबइ मनई अहइँ जउन २ बंधुवाई स लउटिके आएन। बाबेल क राजा नबूकदनेस्सर ओन लोगन क बन्दी क रूप मँ बाबेल लिआवा रहा। इ सबइ लोग यरूसलेम अउ यहूदा क वापस आएन। हर एक मनई यहूदा मँ अपने-अपने नगर क वापस गवा। २ इ सबइ उ सब लोग अहइँ जउन जरूबाबेल क संग वापस आएन: येसू, नहेम्याह, सरायाह, रलायाह, मोदकै, बिलसान, मिस्पार, बिगवै, रहूम अउर बाना। इ इस्राएल क ओन लोगन क नाउँ अउर ओनकर गनती अहइ जउन वापस लउटेन:

३ परोस क संतान २,१७२

४ सपत्याह क संतान ३७२

५ आरह क संतान ७७५

६ येसू अउर योआब क परिवार क पहत्मोआब क संतान २,८१२

७ एलाम क संतान १,२५४

८ जत्तू क संतान ९४५

९ जक्के क संतान ७६०

१० बानी क संतान ६४२

११ बेबै क संतान ६२३

१२ अजगाद क संतान १,२२२

१३ अदोनीकाम क संतान ६६६

१४ बिगवै क संतान २,०५६

१५ आदीन क संतान ४५४

१६ आतेर क संतान (हिजकिय्याह क परिवारिक पीढ़ी स) ९८

१७ बेसै क संतान ३२३

१८ योरा क संतान ११२

- १९ हासूम क संतान २२३  
 २० गिब्बार क संतान १५  
 २१ बेतलेहेम नगर क लोग १२३  
 २२ नतोपा क नगर स ५६  
 २३ अनातोत नगर स १२८  
 २४ अजमावेत क नगर स ४२  
 २५ किर्यतारीम, कपीरा अउर बेरोत नगरन स ७४३  
 २६ रामा अउ गेबा नगर स ६२१  
 २७ मिकमास नगर स १२२  
 २८ बेतेल अउर ऐ नगर स २२३  
 २९ नबो नगर स ५२  
 ३० मगबीस नगर स १५६  
 ३१ एलाम नाउँ क दूसर नगर स १,२५४  
 ३२ हारीम नगर स ३२०  
 ३३ लोद, हादीद अउ ओनो नगरन स ७२५  
 ३४ यरीहो नगर स ३४५  
 ३५ सना नगर स ३,६३०  
 ३६ याजकन क नाउँ अउर ओनकर गनती क सूची इ अहइ :  
 यदायाह क संतान (येसू क पारिवारिक पढी स)  
 १७३  
 ३७ इम्मोर क संतान १,०५२  
 ३८ पसहूर क संतान १,२४७  
 ३९ हारीम क संतान १,०१७  
 ४० लेवीवंसी कहे जाइवाले लेवी क परिवार क गनती इ अहइ :  
 येसू अउर कदमिएल (होदग्याह क पारिवारिक पढी स) ७४  
 ४१ गायकन क गनती इ अहइ :  
 आसाप क संतान १२८  
 ४२ मन्दिर क दुआरपालन क गनती इ अहइ :  
 सल्लूम, आतेर, तल्मोन, अक्कूब, हतीता अउर सोबै क संतान १३९  
 ४३ मन्दिर क खास सेवक क इ सबइ सन्तानन अहइ :  
 सीहा क संतानन, हसूपा क संतानन, तब्बओत क संतानन,  
 ४४ केरोस क संतानन, सीअहा क संतानन, पादोन क संतानन,  
 ४५ लबाना क संतानन, हागाब क संतानन, अक्कूब क संतानन,  
 ४६ हागाब क संतानन, सल्लमै क संतानन, हानान क संतानन,  
 ४७ गिद्दल क संतानन, गहर क संतानन, रायाह क संतानन,

- ४८ रसीन क संतानन, नकोदा क संतानन, गज्जाम क संतानन,  
 ४९ उज्जा क संतानन, पासेह क संतानन, बेसै क संतानन,  
 ५० अस्ना क संतानन, मूनीम क संतानन, नपीसीम क संतानन,  
 ५१ बकबूक क संतानन, हकूपा क संतानन, हर्हूर क संतानन,  
 ५२ बसलूत क संतानन, महीदा क संतानन, हर्सा क संतानन,  
 ५३ बर्कोस क संतानन, सीसरा क संतानन, तेमह क संतानन,  
 ५४ नसीह अउ हतीपा ।  
 ५५ इ सबइ सुलैमान क सेवकन क संतानन अहइ :  
 सोतै क संतानन, हस्सोपेरेत क संतानन, परूदा क संतानन ।  
 ५६ याला क संतानन, दर्कोन क संतानन, गिद्देल क संतानन,  
 ५७ सपत्याह क संतानन, हत्तिल क संतानन, पोकरेत क संतानन, सबायीम क संतानन,  
 ५८ मन्दिर क सेवक अउ सुलैमान क सेवकन क कुल संतान ३९२  
 ५९ कच्छू लोग एन नगरन स यरूसलेम आएन :  
 तेल्लेलह, तेलहर्सा, करूब, अदान अउर इम्मोर ।  
 मुला इ सबइ लोग इ प्रमाणित नाहीं कइ सकेन कि ओनकर परिवार इस्राएल क परिवार स अहइ ।  
 ओनकर नाउँ अउर ओनकर गनती इ अहइ :  
 ६० दलायाह क संतानन, तोबिय्याह क संतानन अउर नकोदा क संतानन ६५२  
 ६१ याजकन क परिवारन क नाउँ इ अहइ :  
 हबायाह क संतानन, हक्कोस क संतानन अउ बर्जिल्लै क संतानन (एक मनई जउन गिलादी क बर्जिल्लै क बिटिया स बियाह किह रहा अउर बर्जिल्लै क पारिवारिक नाउँ स ही जान जाना रहा ।)  
 ६२ एन लोग अपने पारिवारिक इतिहासन क खोज किहन, मुला ओका पाइ नाहीं सकेन ।  
 ओनकर नाउँ याजकन क सूची मँ नाहीं सामिल कीन्ह गए रहेन ।  
 उ सबइ इ प्रमाणित नाहीं कइ सकेन कि ओनकर पुरखा याजक रहेन ।  
 इहइ कारण उ पचे याजक नाहीं होइ सकत रहेन ।  
 ६३ राज्यपाल एन लोगन क आदेस दिहेस कि इ सबइ लोग कउनो भी पवित्र भोजन न करइ ।  
 उ पचे तब तलक इ पवित्र भोजन नाहीं खाइ

सकतेन जब तलक ओन मँ स कउनो एक ऊरीम अउर तुम्मीम क उपयोग न कइ ले।

६४-६५ सब मिलाइके ४२,३६० लोग उ समूह मँ रहेन जे वापस लउट आएन। ओनके अतिरिक्त एहमाँ ७,३३७ सेवक अउर सेविकन रहेन। ओनके संग २०० गायक अउर गायिकन भी रहिन। ६६-६७ ओनके लगे ७३६ घोड़न, २४५ खच्चर, चार स पेंतीस उँट अउ ६,७२० गदहन रहेन।

६८ उ समूह यरूसलेम मँ यहोवा क मन्दिर क पहाँचा। तब परिवार क प्रमुखन यहोवा क मन्दिर क बनावइ क बरे आपन भेंट दिहेन। उ पचे जउन मन्दिर नस्ट होइ गवा रहा उहइ क जगह पइ नवा मन्दिर बनावइ चाहेन। ६९ ओन लोग ओतना दिहन जेतना उ पचे दइ सकत रहेन। इ सबइ उ सब चिजियन अहइ जेनका उ पचे मन्दिर बनावइ क बरे दिहेन: लगभग ५०० किलो सोना, तीन टन चाँदी अउर याजकन क पहिरइ वाले १०० चोगन।

७० इ तरह याजक, लेवीवंसी अउर कछु दूसर लोग यरूसलेम अउर ओकरे चारिहुँ कइती क पहँटा मँ बस गएन। इ समूह मँ मन्दिर क गायक, दुआरपाल अउर मन्दिर क सेवक सामिल रहेन। इस्राएल क दूसर लोग अपने निजी निवास जगहन मँ बस गएन।

### वेदी क फुन स बनव

३ १ एह बरे सतवें महीने स इस्राएल क लोग अपने-अपने नगरन मँ लउट गएन। उ समइ, सबहिँ लोग यरूसलेम मँ एक संग एकट्ठे भएन। उ पचे सबहिँ एक इकाई क रूप मँ संगठित रहेन। २ तब योसादाक क पूत येसू अउर ओकरे संग याजकन अउ सालतीएल क पूत जरूबाबेल अउ ओकरे संग क लोग इस्राएल क परमेस्सर क वेदी बनाएन। ओन लोग इस्राएल क परमेस्सर बरे वेदी एह बरे बनाएन ताकि उ पचे एह पइ बलि चढ़ाइ सकइ। उ पचे ओनका ठीक मूसा क नेमन क अनुसार बनाएन। मूसा परमेस्सर क बिसेस सेवक रहा।

३ उ सबइ लोग अपने आस-पास क रहइवाले दूसर लोगन स डरे भए रहेन। मुला इ डर ओनका रोक न सका अउर उ पचे वेदी क पुरानी नैव पइ वेदी बनाएन अउर ओह पइ यहोवा क होमबलि दिहन। ४ तब उ पचे आसरयन क त्यौहार ठीक वइसे ही मनाएन जइसा मूसा क नेम मँ कहा

गवा अहइ। उ पचे उत्सव क हर एक दिन क बरे उचित गनती मँ होमबलि दिहन। ५ ओकरे पाछे, उ पचे लगातार चलइवाली हर दिन क होमबलि नवा चाँद, अउर सबहिँ दूसर उत्सव व बिस्राम क दिनन क भेंटन चढ़ाउव सुरू किहन जइसा कि यहोवा क जरिये आदेस दीन्ह गवा रहा। लोग दूसर ओन भेंटन क भी चढ़ावइ क लागेन जेनका उ पचे यहोवा क चढ़ावइ चाहत रहेन। ६ एह बरे सतएँ महीना क पहिले दिन इस्राएल क एन लोग यहोवा क फुन भेंट चढ़ाउव सुरू किहन। इ तब भी कीन्ह गवा जब कि मन्दिर क नैव अबहिँ फुन स नाही बनी रही।

### मन्दिर क फुन निर्माण

७ तब ओन लोग जउन बन्धुवाई स छुटिके आए रहेन, संगतरासन अउर बढइयन क धन दिहेन अउर उ पचे सोर अउर सीदोन क लोगन क भोजन, दाखरस अउर जैतून क तेल दिहन। ताकि उ पचे लबानोन क देवदार क बूच्छ लिआवइ सकेन। उ पचे चाहत रहेन कि उ पचे जापा नगर क समुद्री तट पइ लट्टन क जहाजन क मँ लिआवइ। फारस क राजा कुसूरू इ करइ बरे ओनका मंजूरी दइ दिहस।

८ एह बरे यरूसलेम मँ मन्दिर पइ ओनके पहाँचइ क दूसर बरिस क दूसर महीने मँ सालतीएल क पूत जरूबाबेल अउर योसादाक क पूत येसू काम करव सुरू किहस। ओनकर भाइयन, याजकन, लेवीवंसियन अउ हर एक मनई जउन बन्धुवाई स यरूसलेम लउटे रहेन, सब ओनके संग काम करव सुरू किहन। उ पचे यहोवा क मन्दिर क बनावइ बरे ओन लेवीवंसियन क निरीच्छक चुनेन जउन बीस बरिस या ओहसे जियादा उमिर क रहेन। ९ इ सबइ उ सब लोग रहेन जउन मन्दिर क बनइ क देखरेख करत रहेन, येसू क पूत अउर ओकर भाई, कदमीएल अउ ओकर पूत (यहूदा क सन्तान रहेन) हेनादाद क पूत अउ ओनकर बंधु लेवीवंसी। १० कारीगरन यहोवा क मन्दिर क नैव डाउव पूरी कइ दिहन। जब नैव पइ गइ तब याजकन अपने खास ओढ़ना पहिरेन। तब उ पचे आपन तुरूही लिहन अउ आसाप क पूतन अपनी झाँझन क लिहन। उ पचे यहोवा क स्तुति क बरे अपने अपने जगह लइ लिहन। इ उहइ तरह कीन्ह गवा जउने तरह करइ

\*२ :६३ ऊरीम अउर तुम्मीम एक बिसेस तरह क पाथर जेका महा याजक परमेस्सर क इच्छा जानइ बरे प्रयोग करत रहा। लखा, निर्गमन २८ :३० ; गनती २७ :२१

क बरे भूतकाल में इस्राएल क राजा दाऊद आदेस दिहे रहा। ११ यहोवा जउन कछू किहस, उ पचे ओकरे बरे ओकर बड़कई करत भए अउ धन्ववाद देत भए, इ गीत गाएन,

“उ अच्छा अहइ,

ओकर इस्राएल क बरे पिरम सास्वत अहइ।”

अउर तब सबहि लोग खुस भएन। उ पचे बहोत जोर स उदघोस अउ यहोवा क स्तुति किहन। काहे काहेकि मन्दिर क नैव पूरी होइ चुकी रही।

१२ मुला बुजुर्ग याजकन में स बहोत स, लेवीबंसी अउर परिवार प्रमुख रोइ पड़ेन। काहे काहेकि ओन लोग पहिले मन्दिर क लखे रहेन, अउर उ पचे इ याद करत रहेन कि उ केतना सुन्नर रहा। उ सबइ रोइ पड़ेन जब उ पचे नवे मन्दिर क लखेन। उ पचे रोवत रहेन जब बहोत स दूसर लोग खुस रहेन अउर सोर मचावत रहेन। १३ उदघोस बहोत दूर तलक सुना जाइ सकत रहा। ओन सबहि लोग एतना सोर मचाएन कि कउनो मनई खुसी क उदघोस अउ रोवइ में अन्तर नाही कइ सकत रहा।

मन्दिर क पुनः निर्माण क विरुद्ध दुस्मन

१-२ उ पहेँटा में रहइवाले बहोत स लोग यहूदा अउ बिन्यामीन क लोगन क विरुद्ध रहेन। ओन दुस्मनन सुनेन कि सबइ लोग जउन बन्धुवाई स आएन ह उ सबइ, इस्राएल क परमेस्सर यहोवा क बरे एक ठु मन्दिर बनावत अहइ। एह बरे उ सबइ दुस्मन जरुब्बाबेल अउ परिवार प्रमुखन क लगे आएन अउ उ पचे कहेन, “मन्दिर बनावइ में हम क तू पचन क मदद करइ या। हम लग उहइ अही जउन तू अहा, हम तोहरे पचन्क परमेस्सर स मदद माँगित ह। हम लोग तोहरे पचन्क परमेस्सर क तब स बलि चढ़ावा ह जब स अस्पूर क राजा एसर्हदोन हम लोगन क हिआँ लिआव।”

३ मुला जरुब्बाबेल, येसू अउर इस्राएल क दूसर परिवार प्रमुखन जवाब दिहन, “नाहीं, तू जइसे लोग हमरे परमेस्सर क बरे मन्दिर बनावइ में हम क मदद नाही कइ सकतेन। सिरिफ हम लोग ही यहोवा क बरे मन्दिर बनाइ सकित ह। उ इस्राएल क परमेस्सर अहइ। फारस क राजा कुसूरू जउन करइ क आदेस दिहस ह, उ इहइ अहइ।”

४ एह बरे उ देस क लोग मन्दिर क बनावइ क कार्य रोकइ क बरे जतन करत भए यहूदी लोगन क हिम्मत तोड़इ क बरे ओनका डराउवँ सुरु किहन।

५ ओन दुस्मनन सलाहकारन क यहूदा क लोगन क खिलाफ काम करइ क बरे बेसहि लिहन। उ सलाहकारन ओनके जोजनन में बाधा डावइ क जतन किहेन। इ कारज तब तलक लगातार चलत रहा जब तलक कुसूरू फारस क राजा रहा अउर बाद में जब तलक दारा फारस क राजा नाही होइ गवा।

६ ओन दुस्मनन यहूदियन क रोकइ क बरे जतन करत भए फारस क राजा क पत्र भी लिखेन। अउर उ पचे इ पत्र फारस क राजा छयर्स क सासन काल क सुरू में लिखेन।

यरूसलेम क पुनः निर्माण क विरुद्ध दुस्मन

७ पाछे, जब अर्तछत्र फारस क नवा राजा भवा, एन लोगन में स कछू यहूदियन क खिलाफ सिकाइत करत भए एक ठू अउर पत्र लिखेन। जउन लोग उ पत्र लिखेन, उ सबइ इ सब रहेन: बिसलाम, मिथदात, ताबेल अउर ओकरे दल क दूसर लोग। उ पचे पत्र राजा अर्तछत्र क अरामी में अरामी लिपि क उपयोग करत भए लिखेन।

८ तब सासन अधिकारी रहूम अउर लिपिक सिमसै यरूसलेम क लोगन क खिलाफ पत्र लिखेन। उ पचे राजा अर्तछत्र क पत्र लिखेन। उ पचे जउन लिखेन उ इ रहा :

१ सासन अधिकारी रहूम, लिपिक सिमसै, निआधीसन अउर तर्पेली, फारसी, एरेकी, बाबेली लोगन पइ क महत्त्वपूर्ण उच्चय अधिकारियन अउर सूसनी क एलामी लोगन क कइती स, १० अउ उ सबइ दूसर लोग क ओर स जेनका महान अउर सक्तीसाली ओस्नप्पर सोमरोन क नगरन अउर परात नदी क पच्छिमी पहेँटा क दूसर जगहन पइ बसाए रहेन।

११ इ उ पत्र क प्रतिलिपि अहइ जेका ओन लोग अर्तछत्र क पठए रहेन।

राजा अर्तछत्र क, परात नदी क पच्छिमी पहेँटा में आप क सेवकन कइती स अहइ।

१२ राजा अर्तछत्र हम आप क सूचित करइ चाहित ह कि जउन यहूदियन क आप-अपने लगे स पठया ह, उ पचे हिआँ आइ गएन ह। उ सबइ यहूदी उ नगर क फुन स बनावइ चाहत हीं। यरूसलेम एक बुरा अउर बिद्रोही नगर अहइ। अब उ पचे यहूदी परकोटन क जेवन क पक्का करत बाटन अउर देवारन खड़ी करत अहइ।

१३ राजा अर्तछेत्तर आप क इ जान लेइ चाही कि यदि यरूसलेम अउर एकर परकोटन फुन बन गएन तउ यरूसलेम क लोगन कर देब बन्द कइ देइहीं। उ पचे आप क सम्मान करइ बरे धन पठउब बन्द कइ देइहीं। उ पचे सेवा कर भी रोक देइहीं अउर राजा क उ सारे धन स हाथ धोवइ पड़ी।

१४ राजा क एकर जानकारी होइ चाही कि हम लोग राजा क वफ़ादार होइ क वादा किहे रहेन। एँह बरे जिम्मेदारी हम लोगन पइ अहइ। हम लोगन क इ सबइ घटित होब नाहीं लखइ चाहतेउँ कि राजा क अपमान होइ। इहइ कारण अहइ कि हम लोग इ पत्र क जरिये राजा क इ बात क सम्बंध मँ सूचना दिहे अहउँ।

१५ राजा अर्तछेत्तर हम इ चाहित ह कि आप ओन राजा लोगन क लेखन क पता लगावइ कि जउन आपक पहिले हुकूमत किहन। आप ओन लेखन मँ लखिहीं कि यरूसलेम मँ सदा ही दूसर राजा लोगन क बरे बिद्रोह किहन। इ दूसर राजा लोगन अउ रास्ट्रन क बरे बहोत कठिनाइयन पइदा किहन ह। पुराने समइ स ही इ नगर बिद्रोह क उभारत अहइ ह। इहइ कारण अहइ कि यरूसलेम नस्ट भवा।

१६ राजा अर्तछेत्तर हम आप क सूचित करइ चाहित ह कि यदि इ नगर अउ एकर परकोटन फुन स बन गवा तउ फरात नदी क इ कइती क छेत्तर आप क हाथे स निकरि जइहीं।

१७ तब अर्तछेत्तर इ जवाब पठएसः सासन अधिकारी रहूम अउ लिपिक सिमसै अउ ओनकर सबहिँ साथियन क जउन सोमोरन अउ परात नदी क दूसर पच्छिमी प्रदेश मँ रहत हीं। सुभ-कामनाएँ,

१८ तू लोग जउन हमरे लगे पत्र पठाया ओकर अनुवाद भवा अउर मोका सुनावा गवा। १९ मइँ आदेस दिहेउँ कि मोरे पहिले क राजा लोगन क लेखन क खोज कीन्ह जाइ। लेख बाँचे गएन अउर हम लोगन क ग्यात भवा कि यरूसलेम क जरिये राजा लोगन क खिलाफ बिद्रोह करइ क एक लम्बा इतिहास अहइ। यरूसलेम अइसी जगह रहा नगर जहाँ अक्सर बिद्रोह अउ गद्दारी होत रहत हीं। २० यरूसलेम अउ फरात नदी क पच्छिम

क पूरे पहुँटा पइ सकतीसाली राजा राज्ज करत रहेन ह। राज्ज कर अउ राजा क सम्मान बरे धन अउ बिबिध प्रकार क कर ओन राज लोगन क दीन्ह गएन ह।

२१ अब तू पचन्क ओन लोगन क काम बन्द करइ क बरे एक ठु आदेस देइ चाही। इ आदेस यरूसलेम क पुनःनिर्माण क रोकइ क बरे तब तलक अहइ, जब तलक कि मइँ वइसा करइ क आग्या न देउँ। २२ सावधान रहया अउर इ आग्या क पालन करइ स इनकार जिन करा यरूसलेम क पुनःनिर्माण चलत नाहीं रहइ चाही, वरना मइँ यरूसलेम स मिलइवाला आमदनी क खोइ देबउँ।

२३ तउ उ पत्र क प्रतिलिपि, जेका राजा अर्तछेत्तर पठएस रहूम, लिपिक सिमसै अउ ओकरे संग क लोगन क बाँचिके सुनाई गइ। तब उ सबइ लोग बड़ी तेजी स यरूसलेम मँ यहूदियन क लगे गएन। उ पचे यहूदियन क निर्माण कार्य बन्द करइ क मजबूर किहन।

मन्दिर क कार्य रुका

२४ इ तरह यरूसलेम मँ परमेस्सर क मन्दिर क काम रुक गवा। फारस क राजा दारा क सासनकाल क दूसरे बरिस तलक इ कार्य नाहीं चला।

५ तब हाग्वै नबी अउ इदो क पूत नबी जकर्याह इस्राएल क परमेस्सर क नाउँ पइ यहूदा अउ यरूसलेम मँ यहूदियन स नबुवत करब सुरु किहन। २ एह बरे सालतीएल क पूत जरुब्बाबेल अउ योसादाक क पूत येसू फुन यरूसलेम मँ मन्दिर क निर्माण करब सुरु कइ दिहस। अउर परमेस्सर क नबी ओनके संग रहेन अउ कार्य मँ मदद करत रहेन। ३ उहइ समइ फरात नदी क पच्छिम क पहुँटा क राज्जपाल तत्तनै रहा। तत्तनै, सतर्बोजनै अउ ओनके संग क लोग जरुब्बाबेल अउर येसूर अउ निर्माण करइवालन क लगे गएन। तत्तनै अउ ओकरे संग क लोग जरुब्बाबेल अउ ओकरे साथ क लोगन स पूछेस, “तू पचन्क इ मन्दिर क फुन स बनावइ अउ एका दिवारन क बनावइ क काम पूरा करइ क आदेस कउन दिहस ?” ४ उ पचे जरुब्बाबेल स इ भी पूछेन, “जउन लोग इ इमारत क बनावइ क काम करत अहइँ ओनकर नाउँ क अहइ ?”

५ मुला परमेस्सर यहूदा क प्रमुखन पइ दृस्टि रखत रहा। निर्माण करइ वालन क तब तलक काम नाहीं रोकव पड़ा जब तलक ओनकर विवरण राजा क जरिये न पठइ दीन्ह गवा। उ पचे तब तलक

काम करत रहेन जब तलक राजा दारा आपन जवाब वापस नाही पठएस ।

६ फरात क पच्छिम क छेत्रन क सासन अधिकारी तत्तनै, सतबोजनै अउर ओनके संग क महत्त्वपूर्ण मनइयन राजा दारा क लगे पत्र पठएन ।<sup>७</sup> इ उ पत्र क प्रतिलिपि अहइ :

राजा दारा का अभिवादन

५ राजा दारा, आप क मालूम होइ चाही कि हम लोग यहूदा प्रदेश में गएन । हम लोग महान परमेश्वर क मन्दिर क गए । यहूदा क लोग उ मन्दिर क बड़के पाथरन स बनावत अहइ । उ पचे देवारन मँ काटे क बड़की बड़की सहतीरन डावत अहइ । काम बड़ी होसियारी स कीन्ह जात अहइ, अउर यहूदा क लोग बहोत मेहनत करत अहइ ।

१ हम लोग ओनके प्रमुखन स कछु सवाल ओनके निर्माण कार्य क बारे मँ पूछेन हम लोग ओनसे पूछेन, “तू पचन्क इ मन्दिर क फुन स बनावइ अउर एकरी छते क काम पूरा करइ क मंजूरी कउन दिहस ह ?”<sup>१०</sup> हम लोग ओनकर नाउं भी पूछेन । हम लोग ओन लोगन क प्रमुखन क नाउं लिखइ चाहेउं जेहसे आप जान सकइ कि उ पचे कउन लोग अहइ ।

११ उ पचे हमक इ जवाब दिहन :

“हम लोग सरग अउ धरती क परमेश्वर क सेवक अही । हम लोग उहइ मन्दिर क बनावत अही जेका बहोत बरिस पहिले इस्राएल क एक महान राजा बनाएस अउर पूरा किहे रहा ।<sup>१२</sup> मुला हमार पुरखन सरग क परमेश्वर क किरोधित किहन । एह बरे परमेश्वर हमरे पुरखन क बाबेल क राजा नबूकदनेस्सर क दिहस । नबूकदनेस्सर इ मन्दिर क नस्ट किहस अउर उ लोगन क बन्दी क रूप मँ बाबेल जाइ क मजबूर किहस ।<sup>१३</sup> मुला बाबेल पइ कुसूरू क राजा होइ क पहिले बरिस मँ राजा कुसूरू परमेश्वर क मन्दिर क फुन स बनावइ क बरे बिसेस आदेस दिहस ।<sup>१४</sup> कुसूरू बाबेल मँ अपने लबार देवता क मन्दिर स ओन सोने चाँदी क चिजियन क निकारेस जउन भूतकाल मँ परमेश्वर क मन्दिर स चोरी कइ क लइ जाइ गइ रहिन । नबूकदनेस्सर ओन चिजियन क मन्दिर स लिहस अउर ओनका बाबेल मँ लबार देवतन क मन्दिर मँ लइ आवा । तब राजा कुसूरू ओन सोने चाँदी क चिजियन क

सेसबसार क दइ दिहस, कुसूरू सेसबस्सर क राज्यपाल मुकरर किहस ।”

१५ कुसूरू तब सेसबस्सर स कहेस रहा, “एन सोना चाँदी क चिजियन क ल्या अउर ओनका यरूसलेम क मन्दिर मँ वापस रखा । उ जगह पइ परमेश्वर क मन्दिर क बनाववा जहाँ उ पहिले रहा”

१६ एह बरे सेसबस्सर आवा अउर उ यरूसलेम मँ परमेश्वर क मन्दिर क नैव क काम पूरा किहस । उ दिना स आजु तलक मन्दिर क निर्माण क कार्य चलत आवत अहइ । मुला इ अबहि तलक पूरा नाही भवा ह ।

१७ अब जदि राजा चाहत हीं तउ कृपा कइके उ पचे राजा लोगन क लेखन क हेरइ । इ लखइ बरे हेरइ कि का कुसूरू राजा क जरिये यरूसलेम मँ परमेश्वर क मन्दिर क फुन स बनावइ क दीन्ह गवा आदेस फुरइ अहइ अउर तब, महामहिमा, कृपा कइके आप हम लोगन क पत्र पठवइ जेहसे हम जान सकी कि आप इ विसय मँ का करइ क निर्णय लिहन ह ।

दारा क आदेस

१ एह बरे राजा दारा अपने पहिले क राजा लोगन क लेखन क जाँच करइ क आदेस दिहस । उ सबइ लेख बाबेल मँ हुवइ रखे रहेन जहाँ खजाना धरा गवा रहा,<sup>२</sup> अहमत्ता क किले मँ एक दण्ड मँ चिपका गोल पत्रक मिला । (एकवतन मादे प्रान्त मँ अहइ ।) उ दण्ड मँ लिपटे गोल पत्रक पइ जउन लिखा रहा, उ इ अहइ :

सरकारी टिप्पणी :<sup>३</sup> उ कुसूरू क राजा होइ क पहिले बरिस मँ कुसूरू यरूसलेम मँ परमेश्वर क मन्दिर क बरे एक टू आदेस दिहस । आदेस इ रहा :

परमेश्वर क मन्दिर फुन स बनइ द्या । इ बलि भेंट करइ क जगह होइ । एकरी नैव क बनइ द्या । मन्दिर साठ हाथ उँच अउ साठ हाथ चौड़ा होइ चाही ।<sup>४</sup> एकर परकोटन मँ बिसाल पाथरन क तीन टू कतारन अउर बिसाल काटे क सहतीरन क एक टू कतार होइ चाही । मन्दिर क बनावइ क खर्च राजा क खजाने स कीन्ह जाइ चाही ।<sup>५</sup> साथ ही साथ, परमेश्वर क मन्दिर क सोना अउ चाँदी क चिजियन ओकरे जगह पइ वापस रखी जाइ चाही । नबूकदनेस्सर ओन चिजियन क यरूसलेम क मन्दिर स लिहे रहा अउर ओनका

वाबेल लिआए रहा। उ सबइ परमेस्सर क मन्दिर मँ वापस रख दीन्ह जाइ चाही।

६ एह बरे अब, मई दारा, फरात नदी क पच्छिम क पहुँटन क सासन अधिकारी तत्तनै अउ सतर्बोजनै अउ उ प्रान्त क रहइवाले सबहिं अधिकारियन, तू पचन्क आदेस देत हउँ कि तू लोग यरूसलेम स दूर रहा। ७ समिकन क परेसान जिन करा। परमेस्सर क उ मन्दिर क काम क बन्द करइ क जतन जिन करा। यहूदा क राज्यपाल अउर यहूदा क बुर्जुगन क एनका फुन स बनावइ द्या। ओनका परमेस्सर क मन्दिर क उहइ जगह पइ फुन स बनावइ द्या जहाँ पहिले रहा।

८ अब मई एक आदेस देत हउँ कि तू पचन्क परमेस्सर क मन्दिर क बनावइ वाले यहूदा क बुजुर्गन बरे का करइ चाही : इमारत क लागत क भुगतान राजा क खजाने स होइ चाही। इ धन फरात नदी क पच्छिम क छेत्र क प्रान्तन स कर क रूप मँ इकट्टा कीन्ह गवा रहा। इ सबइ काम हाली स करा, जेहसे काम रुकइ नाहीं। ९ ओन लोगन क उ सब द्या जेकर ओनका जरूरत होइ। जदि ओनका सरग क परमेस्सर क बलि क बरे जवान बर्धन, भेड़न या मेमनन क जरूरत पइइ तउ ओनका उ सब कछु द्या। जदि यरूसलेम क याजक गोहँ, नोन, दाखरस अउ तेल माँगइ तउ बिना भूल चूक क हर रोज इ सबइ चिजियन ओनका द्या। १० इन चिजियन क ओनका द्या जेहसे उ पचे सरग क परमेस्सर क खुस करइवाली बलियन भेंट करइ अउर राजा अउ ओकरे पूतन क कल्यान बरे पराधना करइ।

११ मई इ आदेस भी देत हउँ कि जदि कउनो मनई इ आदेस क बदलत ह तउ उ मनई क मकान स एक टु काटे क कड़ी क निकार लेइ चाही अउ उ काटे क कड़ी क उ मनई क तने पइ घँसाइ देइ चाही अउ ओकरे घरे क तब तलक नस्ट कीन्ह जाइ चाही जब तलक कि उ पाथरन क ढेर न बनि जाइ।

१२ परमेस्सर यरूसलेम पइ आपन नाउँ अंकित करइ अउर मोका आसा अहइ कि परमेस्सर कउनो भी उ राजा या मनई क पराजित करी जउन इ आदेस क बदलइ क जतन करत ह। जदि कउनो यरूसलेम मँ इ मन्दिर क नस्ट करइ चाहत ह तउ मोका

आसा अहइ कि परमेस्सर ओका नस्ट कइ देइ।

मई, दारा, इ आदेस दिहेउँ ह। इ आदेस क पालन हाली अउर पूर्ण रूप स होइ चाही।

मन्दिर क पूर्ण अउर समर्पित होब

१३ एह बरे फरात नदी क पच्छिम पहुँटा क प्रसासक तत्तने, सतर्बोजनै अउर ओकरे संग क लोग राजा दारा क आदेस क पालन किहन। ओन लोगन आग्या क पालन हाली अउर पूर्ण रूप स किहन, १४ एह बरे यहूदी अग्रजन (प्रमुखन) निर्माण कार्य जारी रखेन अउर उ पचे सफल भएन काहेकि हगौ नबी अउ इहो क पूत जकर्याह ओनका प्रोत्साहित किहस। ओन लोग मन्दिर क निर्माण कार्य पूरा कइ लिहन। इ इस्राएल क परमेस्सर क आदेस पालन करइ क बरे कीन्ह गवा। इ फारस क राजा लोगन, कुसरू, दारा अउर अर्तछत्र जउन आदेस दिहे रहेन ओनकर पालन करइ बरे कीन्ह गवा। १५ मन्दिर क निर्माण अदर महीने क तीसरे दिन भवा। इ राजा दारा क सासन क छठएँ बरिस मँ भवा।

१६ तब इस्राएल क लोग बहोत उल्लास क संग परमेस्सर क मन्दिर क समर्पण उत्सव मनाएन। याजक, लेवीबंसी अउर बन्धुवाई स वापस आए दूसर सबहिं लोग इ उत्सव मँ सामिल भएन।

१७ उ पचे परमेस्सर क मन्दिर क इ तरह समर्पित किहन: उ पचे एक सौ बर्धन, दुइ सौ भेड़न अउर चार सौ मेमनन भेंट किहन अउर उ पचे पूरे इस्राएल क बरे पाप भेंट क रूप मँ बारह बोकन भेंट किहन अर्थात इस्राएल क बारह परिवार समूह मँ स हर एक क बरे एक बोकरा भेंट किहन। १८ तब उ पचे यरूसलेम मँ मन्दिर मँ सेवा करइ क बरे याजकन अउ लेवी बंसियन क समूह बनाएन। इ सब उ पचे उहइ प्रकार किहन जउने प्रकार मूसा क कितावे मँ बतावा गवा ह।

फसह त्यौहार

१९ पहिले महीने क चौदहवें दिन ओन यहूदियन फसह क त्यौहार मनाएन जउन बन्धुवाई स वापस लउटे रहेन। २० याजकन अउर लेवीबंसियन अपने क सुद्ध किहन। ओन सबहिं फसह क त्यौहार मनावइ क बरे अपने क स्वच्छ अउ तइयार किहन। उ पचे बन्धुवाई स लउटइवाले सबहिं यहूदियन क बरे फसह क त्यौहार क मेमने क मारन। उ पचे इ अपने बरे अउर अपने याजकन बंधुअन क बरे किहन। २१ एह बरे बन्धुवाई स लउटे



इस्राएल क सबहि लोग फसह क त्यौहार क बलि खाएस अउर उ परदेस मँ रहइवाले दूसर सबइ लोग जउन अपने आप क ओन असुद्ध चिजियन स अलग हटिके सुद्ध कइ रहेन अउर जउन ओन लोगन मँ सामिल होइ रहेन, ओन लोग भी फसह क त्यौहार क भोजन मँ हीसा लिहन। ओन लोग इ एह बरे किहन ताकि उ पचे भी यहोवा इस्राएल क परमेस्सर क उपासना करइ सकई। २२ उ पचे अखमीरी रोटी क उत्सव सात दिन तलक बहोत जियादा खुसी स मनाएन। यहोवा ओनका बहोत खुस किहस काहेकि उ अस्सूर क राजा क बेउहार क बदल दिहे रहा। अस्सूर क राजा इस्राएल क परमेस्सर क मन्दिर क बनावइ मँ ओनकर मदद किहे रहा।

एज्रा यरूसलेम आवत ह

१ फारस क राजा अर्तछत्र क सासनकाल मँ एन सब बातन क होइ जाइ क पाछे एज्रा बाबेल स यरूसलेम आवा। एज्रा सरयाह क पूत रहा। सरयाह अजर्याह क पूत रहा। अजर्याह हिल्किय्याह क पूत रहा। २ हिल्किय्याह सल्लूम क पूत रहा। सल्लूम सादोक क पूत रहा। सादोक अहीतब क पूत रहा। ३ अहीतब अमर्याह क पूत रहा। अमर्याह अजर्याह क पूत रहा। अजर्याह मरार्थात क पूत रहा। ४ मरार्थात जरह्याह क पूत रहा। जरह्याह उज्जी क पूत रहा। उज्जी बुक्की क पूत रहा। ५ बुक्की अबीसू क पूत रहा। अबीसू पीनहास क पूत रहा। पीनहास एलीआज़र क पूत रहा। एलीआज़र महायाजक हारून क पूत रहा।

६ एज्रा बाबेल स यरूसलेम आवा। एज्रा एक लिपिक रहा। उ मूसा क नेमन क माहिर रहा। मूसा क नेम यहोवा इस्राएल क परमेस्सर क जरिये दीन्ह गवा रहा। राजा अर्तछत्र एज्रा क उ हर चीज़ दिहस जेका उ माँगस काहेकि यहोवा परमेस्सर एज्रा क संग रहा। ७ इस्राएल क कछू लोग, अउर कछू याजकन, लेवियन, गायकन, दुआरपालन अउर मन्दिर क सेवकन एज्रा क संग आएन। उ पचे अर्तछत्र क सासनकाल क सतएँ बरिस यरूसलेम आएन। ८ एज्रा यरूसलेम मँ राजा अर्तछत्र क राजकाल क सतएँ बरिस क पाँचवें महीने मँ आवा। ९ एज्रा अउ ओकर समूह बाबेल क पहिले महीने क पहिले दिन यरूसलेम पहुँचा। यहोवा परमेस्सर एज्रा क संग रहा। १० एज्रा आपन पूरा धियान यहोवा क नेमन क अध्ययन अउर ओनका पालन करइ मँ दिहस।

एज्रा इस्राएल क लोगन क यहोवा क नेमन अउर आदेसन क सिच्छा देइ चाहत रहा।

राजा अर्तछत्र क एज्रा क पत्र

११ एज्रा, एक ठु याजक अउर लिपिक रहा। इस्राएल क यहोवा क जरिये दीन्ह गए आदेसन अउर नेमन क बारे मँ उ काफी गियान रखत रहा। इ उ पत्र क प्रतिलिपि अहइ जेका राजा अर्तछत्र लिपिक एज्रा क दिहे रहा:

१२ राजा लोगन क राजा अर्तछत्र कइँती स याजक एज्रा क जउन सरग क परमेस्सर क नेमन क पिपिक अहइ:

सुभ-कामनाए!

१३ मइँ इ आदेस देत हउँ: कउनो मनई जउन इस्राएल क अहइ, याजक अउर इस्राएल क लेवीबंसी जउन मोरे राज्ज मँ रहत ह अउर एज्रा क संग यरूसलेम जाइ चाहत ह, तोहार संग जाइ सकत ह।

१४ एज्रा, मइँ अउर मोरे सात सलाहकार तू पचन्क पठवत हीं। तू पचन्क यहूदा अउर यरूसलेम क जाइ चाही। इ लखा कि तोहार लोग तोहरे परमेस्सर क नेमन क पालन कइसे करत अहइ। तोहरे पचन्क लगे नेम अहइ।

१५ मइँ अउ मोर सलाहकार इस्राएल क परमेस्सर क सोना चाँदी देत अहइ। परमेस्सर क निवास यरूसलेम मँ अहइ। तू पचन्क इ सोना चाँदी अपने संग लइ जाइ चाही। १६ तू पचन्क बाबेल क सबहि प्रान्तन स होइके जाइ चाही। लोगन अउर याजकन क स्वच्छा भेंट क संग सबइ सोना अउ चाँदी क बटोरा। इ सबइ भेंटन यरूसलेम मँ ओनके परमेस्सर क मन्दिर बरे अहइ।

१७ इ धने क उपयोग बर्धन, भेड़न अउ मेमनन बेसहइ मँ करा। ओन बलियन क संग जउन अन्न भेंट अउ पेय भेंट चढ़ाई जाब अहइ, ओनका बेसहा। तब ओनका यरूसलेम मँ अपने परमेस्सर क मन्दिर क वेदी पइ बलि चढ़ावा। १८ ओकरे पाछे, तू अउर दूसर यहूदी बचे भए सोने चाँदी क जइसा भी चाहा, खर्च कइ सकत ह। एकर उपयोग वइसे ही करा, जउन तोहरे परमेस्सर क खुस करइवाला होइ। १९ ओन सबहि चिजियन क यरूसलेम क परमेस्सर क लगे लइ जा। उ सबइ चिजियन तोहरे परमेस्सर क मन्दिर मँ उपासना क बरे अहइ। २० तू कउनो

भी दूसर चिजियन लइ सकत ह जेनका तू अपने परमेस्सर क मन्दिर क बरे जरूरी समुझत अहा। राजा क खजाने क धन क उपयोग जउन कछू तू चाहत अहा ओकरे बेसहइ क बरे कइ सकत ह।

२१ अब मई, राजा अर्तछत्र इ आदेस देत हउँ: मई ओन सबहि लोगन क जउन फरात नदी क पच्छिमी पहँटा मँ राजा क कोसपाल अहइ, आदेस देत हउँ कि उ पचे एज्रा क जउन कछू भी माँगइ देइ। एज्रा सरग क परमेस्सर क नेमन क लिपिक अउर याजक अहइ। इ आदेस क हाली अउ पर्ण रूप स पालन करा। २२ एज्रा क एतना तलक दइ द्या: पौने चार टन चाँदी, छ: सौ बुसल गोहूँ, छ: सौ गैलन दाखरस, छ: सौ गैलन जइतून क तेल अउ ओतना नोन जेतना एज्रा चाहइ। २३ सरग क परमेस्सर, एज्रा क जउने चीज क पावइ बरे आदेस द्या ओका तू पचन्क हाली अउर पूरी तरह स एज्रा क देइ चाही। सरग क परमेस्सर क मन्दिर क बरे इ सबइ सब चिजियन करा। हम नाहीं चाहित कि परमेस्सर मोरे राज्ज या मोरे पूतन पइ किरोधित होइ।

२४ मई चाहत हउँ कि तू लोगन क मालूम होइ कि याजकन, लेबियन, गायकन, दुआरपालन अउ परमेस्सर क मन्दिर क दूसर कर्मचारियन अउ सेवकन क कउनो भी तरह क कर देइ क बरे मजबूर करब, नेम क खिलाफत अहइ। २५ एज्रा मई तोहका तोहरे परमेस्सर क जरिये प्राप्त बुद्धि क उपयोग अउ सरकारी अउर धार्मिक निआवअधीसन क चुनइ क अधिकार देत हउँ। इ सबइ लोग फरात नदी क पच्छिम मँ रहइवाले सबहि लोगन क बरे निआवअधीस होइहीं। उ पचे ओन सबहि लोगन क निआव करिहीं जउन तोहरे परमेस्सर क नेमन क जानत हीं। जदि कउनो मनई ओन नेमन क नाहीं जानत तउ उ पचे निआवअधीस ओका ओन नेमन क बतइहीं। २६ जदि कउनो अइसा मनई जउन तोहरे परमेस्सर क नेमन या राजा क नेमन क पालन नाहीं करत होइ, तउ ओका जरूर दण्डित कीन्ह जाइ चाहीं। अपराध क अनुसार ओका मृत्यु दण्ड, देस निकारी, ओकरी सम्पत्ति क जब्त करब या जेल मँ डावइ क सजा दीन्ह जाइ चाही।

एज्रा परमेस्सर क स्तुति करत ह

२७ हमरे पुरखन क परमेस्सर यहोवा क स्तुति करा। उ राजा क मन मँ इ सबइ बिचार डाएस कि उ यरूसलेम मँ यहोवा क मन्दिर क सम्मान करइ। २८ यहोवा क राजा, ओकरे सलाहकारन अउर बड़के अधिकारियन क सामने मोह पइ आपन सच्चा पिरम परगट किहा। यहोवा मोरे परमेस्सर मोरे संग रहा, एह बरे मई साहसी रहा अउर मई इस्राएल क प्रमुखन क अपने संग यरूसलेम जाइ बरे एकट्ठा किहेउँ।

एज्रा क संग लउटइवाले परिवार प्रमुखन क सूची

१ इ बाबेल स यरूसलेम लउटइवाले परिवार प्रमुखन अउर दूसर लोगन क सूची अहइ जउन मोरे (एज्रा) क संग लउटेन। हम लोग राजा अर्तछत्र क सासनकाल मँ यरूसलेम लउटेन। इ नाउँ क सूची अहइ:

- २ पीनहास क संतानन मँ स गेसोम रहा; ईतामार क संतानन मँ स दानिय्येल रहा; दाऊद क संतानन मँ स हत्सू रहा,
- ३ सकन्याह क संतानन मँ स परोस, जकर्याह क संतानन अउ डेद सौ दूसर लोग;
- ४ पहत्मोआब क संतानन मँ स जरह्याह क पूत एल्यहोएने अउर दूसर दूइ सौ लोग,
- ५ जत्तू क संतानन मँ स यहजीएल क पूत सकन्याह अउर तीन सौ दूसर लोग;
- ६ आदीन क संतानन मँ स योनातान क पूत एबेद अउर पचास दूसर लोग,
- ७ एलाम क संतानन मँ स अतल्याह क पूत यसायोह अउर सत्तर दूसर लोग,
- ८ सपत्याह क संतानन मँ स मीकाएल क पूत जबघाह अउर अस्सी दूसर लोग,
- ९ योआब क संतानन मँ स यहीएल क पूत ओबद्याह अउर दूइ सौ अट्ठारह दूसर मनई,
- १० बानी, योसियाह क पूत सलोमति क संतानन मँ स अउर एक सौ साठ दूसर लोग,
- ११ बेबै क संतानन मँ स बेबै क पूत जकर्याह अउर अट्ठाईस दूसर मनई,
- १२ अजगाद क संतानन मँ स हक्कातान क पूत योहानान अउर एक सौ दस दूसर लोग;
- १३ अदोनीकाम क अंतिम संतानन मँ स एलीपेलेत योएल, समायाह अउर साठ दूसर मनई रहेन,
- १४ बिगवै क संतानन मँ स उतै, जब्बूद अउर सत्तर दूसर लोग।

### यरूसलेम क वापसी

१५ मई ओन सबहि लोगन क अहवा कईती बहइवाली नदी क लगे एक संग एकट्टा होइ क बोलाएउँ। हम लोग हुवाँ तीन दिन तलक डेरा डाए। मोका इ पता लगा कि उ समूह मँ याजक रहेन, मुला कउनो लेवीबंसी नाही रहा। १६ तउ मई एन प्रमुखन क बोलाएउँ: एलीएजेर, अरीएल, समायाह, एलनातान, यारीब, एलनातान, नातान, जकर्याह अउ मसुल्लाम अउ मई योयारीब अउर एलनातान (इ सबइ लोग सिच्छक रहेन) क बोलाएस। १७ मई ओन मनइयन क इदो क लगे पठाएउँ। इदो कासिप्या नगर क प्रमुख रहा। मई उ मनई क बताएउँ कि उ पचे इदो अउर ओकर सम्बंधियन स का कहइ। ओकर सम्बंधी कासिप्या मँ मन्दिर क सेवक अहइ। मई ओन लोगन क इदो क लगे पठाएउँ जेहसे इदो परमेस्सर क मन्दिर मँ सेवा करइ क बरे हमरे लगे सेवकन क पठाएस। १८ काहेकि परमेस्सर क कृपालु हाथ हमरे ऊपर रहेन। इदो क सम्बंधियन एन मनइयन क हम लोगन क लगे पठाएस: महली क सन्तानन मँ स सेरेब्याह नाउँ क बुद्धिमान मनई। (महली लेवी क पूतन मँ स एक रहा। लेवी इस्राएल क पूतन मँ स एक रहा।) उ पचे हमरे लगे सेरेहब्याह अउर ओकरे पूतन क पठाएस। इ सबइ सब मिलाइके उ परिवार स इ सबइ अट्टारहे मनई रहेन। १९ उ पचे मरारी क सन्तानन मँ स हसब्याह अउर यसायाह क भी ओनकर बन्धुअन अउर ओनके पूतन क संग पठाएस। उ परिवार स कुल मिलाइके बीस मनई रहेन। २० उ पचे मन्दिर क दुइ सौ बीस सेवक भी पठाएन। ओनकर पुरखन उ सबइ लोग रहेन जेनका दाऊद अउ बड़ेके अधिकारियन लेवीबंसियन क मदद बरे चुने रहा। ओन सब क नाउँ सूची मँ लिखे भए रहेन।

२१ हुवाँ अहवा नदी क लगे, मई घोसणा किहेउँ कि हमका उपवास रखइ चाही। हम क अपने क परमेस्सर क समन्वा बिनमर बनावइ क बरे उपवास रखइ चाही। हम लोग परमेस्सर स अपने बरे, अपने बच्चन क बरे, अउर जउन चिजियन हमार रहिन, ओनके संग सुरच्छित जात्रा क बरे पराथना करइ चाहत रहे। २२ राजा अर्तच्छत्र अपनी जात्रा क समइ अपनी सुरच्छा बरे फउजी अउ घुड़सवारन क माँगइ मँ मई लजान रहेउँ। सड़किया पइ दुस्मन रहेन। मोरी लज्जा क कारण इ रहा कि हम राजा स कहि रखे रहे कि, “हमार परमेस्सर उ हर मनई स संग अहइ जउन ओह

पइ बिस्सास करत ह अउर परमेस्सर उ हर मनई पइ किरोधित होत ह जउन ओहसे मुँह फेरि लेत ह।” २३ एह बरे हम लोग अपनी जात्रा क बरे मँ उपवास रखे अउर परमेस्सर स पराथना कीन्ह। उ हम लोगन क पराथना सुनेस।

२४ तब मई याजकन मँ स बारह क नियुक्त किहेउँ जउन प्रमुख रहेन। मई सेरेब्याह, हसब्याह अउर ओनके दस भाइयन क चुनेउँ। २५ मई चाँदी, सोना अउर दूसर चिजियन क तउलेउँ जउन हमरे परमेस्सर क मन्दिर क बरे दीन्ह गइ रहिन। मई एन चिजियन क ओन बारह याजकन क दिहेउँ जेनका मई नियुक्त किहे रहेउँ। राजा अर्तच्छत्र, ओकर सलाहकार, ओकर बड़ेके अधिकारियन अउर बाबेल मँ रहइवाले सबहि इस्राएलियन परमेस्सर क मन्दिर क बरे ओन चिजियन क दिहन। २६ मई एन सबहि चिजियन क तउलेउँ। हुवाँ चाँदी पच्चीस टन रही। हुवाँ चाँदी क बर्तन व दूसर चिजियन रहिन। जेनकर वजन पौने चार किलोग्राम रहा। हुवाँ सोना पौने चार टन रहा। २७ अउर मई ओनका बीस सोना क खोरन दिहेउँ। खोरन क वजन लगभग साढ़े आठ किलो रहा अउर मई ताँबा क चमकदार दूई ठु बरतन दिहस जउन कि सोना क समान कीमती रहा। २८ तब मई ओन बारह याजकन स कहेउँ: “तू अउर इ सबइ चिजियन यहोवा क बरे पवित्तर अहइ। लोग इ चाँदी अउर सोना यहोवा तोहरे पचन्क पुरखन परमेस्सर क दिहन। २९ एह बरे एनकर रच्छा होसियारी स करा। तू पचे एकरे बरे तब तलक जिम्मेदार अहा जब तलक तू पचे एका यरूसलेम मँ मन्दिर क प्रमुखन क नाही दइ देत्या। तू पचे एनका प्रमुख लेवीबंसियन क अउर इस्राएल क परिवार प्रमुखन क देब्या। उ सबइ ओन चिजियन क तउलिही अउर यरूसलेम मँ यहोवा क मन्दिर क कोठरियन मँ धरिहीं।”

३० तउ ओन याजकन अउ लेवियन उ चाँदी, सोना अउर ओन बिसेस वस्तुअन क ग्रहण किहन जेनका एज्रा तउले रहा अउर ओनका यरूसलेम मँ परमेस्सर क मन्दिर मँ इ सबइ चिजियन लइ जाइ क बरे कहा गवा रहा।

३१ पहिले महीने क बारहवें दिन हम लोग अहवा नदी क छोड़े अउर हम यरूसलेम कईती चल पड़े। परमेस्सर हम लोगन क संग रहा अउर उ हमार रच्छा दुस्मनन अउ डाकूअन स पूरे रास्ते भर किहस। ३२ तब हम यरूसलेम आइ पहुँचे। हम हुवाँ तीन दिन आरम कीन्ह। ३३ चउथे दिन हम परमेस्सर क मन्दिर क गाए अउर चाँदी, सोना अउर

बिसेस चिजियन क तउले। हम याजक ऊरीयाह क पूत मरेमोत क उ सबइ चिजियन दिहेन। पीनहास क पूत एलीआजर मरेमोत क संग रहा। अउर लेवीबंसी येसू क पूत योजाबाद अउर बिन्तूई क पूत नोअद्याह भी ओनके संग रहा।<sup>३४</sup> हम हर एक चीज गिने अउर ओनका तउले। तब हम उ समइ कुल वजन लिखे।

<sup>३५</sup> तब ओन यहूदी लोग जउन बंधुवाई स आए रहेन, इस्राएल क परमेस्सर क होमबलि दिहन। उ पचे बारह बर्धन पूरे इस्राएल क बरे छियानबे भेडन, सतहत्तर मेमनन अउ बारह बोकरन पाप भेंट बरे चढ़ाएन। इ सब यहोवा क बरे होमबलि रही।

<sup>३६</sup> तब ओन लोग राजा अर्तछत्र क पत्र, राजकीय अधिपतियन अउ फरात क पच्छिम क छेत्र क प्रसासकन क दिहन। तब उ पचे इस्राएल क लोगन अउर मन्दिर क अपना समर्थन दिहन।

विदेसी लोगन स बियाह क बारे मँ एज्रा क पराथना

१ जब हम लोग इ सब कइ चुके तब इस्राएल क प्रमुख मोरे लगे आएन। उ पचे कहेन, “एज्रा इस्राएल क लोगन अउ याजकन अउ लेवी बंसियन अपने चाहिहुँ कइती रहइवाले लोगन स अपने क अलग नाही रखेस ह। इस्राएल क लोग कनानियन, हित्तियन, परिज्जियन, यबूसियन, अम्मोनियन, मोआबियन, मिस्र क लोगन अउ एमोरियन क जरिये कीन्ह जाइवालो बहोत स बुरी बातन स प्रभावित भए हँ।<sup>२</sup> इस्राएल क लोग एन लोगन क बिटियन स बियाह किहेन ह। जउन कि इस्राएली नाही रहेन इस्राएल क लोग पवित्तर पीढ़ी अहइ। मुला अब उ पचे अपने चारिहुँ ओर रहइवाले दूसर लोगन स मिलिके दोगले अउर असुद्ध होइ गएन ह। इस्राएल क लोगन क नेतन अउर बड़के अधिकारियन इ अपराध क करइ मँ पहिले रहेन ह।”<sup>३</sup> जब मइ इ बारे मँ सुनेउँ, मइ अपना लबादा अउ अंगरखा इ देखावइ बरे फार डाएउँ कि मइ बहोत परेसान हउँ। मइ अपने मूँड़ि अउर दाढ़ी क वार नोच डाएउँ। मइ

दुःखी अउ अस्त-व्यस्त बइठ गएउँ।<sup>४</sup> तब हर एक मनई जउन इस्राएल क परमेस्सर क नेमन क आदर करत रहा, भय स काँप उठा। उ पचे डर गएन काहेकि जउन इस्राएल क लोग बन्धुवाई स लउटेन, उ पचे परमेस्सर क भक्त नाही रहेन। मोका धक्का लगा अउर मइ घबराइ गएउँ। मइ हुवाँ साँझ क बलि भेंट क समइ तलक बइठा रहूँ अउर उ पचे लोग मोरे चारिहुँ कइती एकट्ठा रहेन।

<sup>५</sup> तब, जब साँझ क बलि भेंट क समइ भवा, मइ आपन दुःख क अवस्था मँ ही उठेउँ। मइ बहोत लजान रहेउँ। मोर लबादा अउ अंगरखा दुइनउँ फटे रहेन अउर मइ घुटरुअन क बल बइठिके यहोवा अपने परमेस्सर कइती हाथ फइलाएउँ।

<sup>६</sup> तब मइ पराथना किहेउँ :

“हे मोरे परमेस्सर, मइ एतना लजान अउर संकोच मँ हूँ कि तोहरी कइती मोर आँखिन नाही उठतिन, हे मोर परमेस्सर! मइ लजान हूँ काहेकि हमरे पाप हमरे मूँड़ि स ऊपर चले गए हँ। हमरे अपराधन क ढेरी एतनी होइ गइ ह कि उ अकासे तलक पहोंच चुकी ह।<sup>७</sup> हमरे पुरखन क समइ स अब तलक हम लोग बहोत जियादा पाप किहा ह। हम लोग पाप किहा, एह बरे हम, हमरे राजा अउर हमरे याजक दण्डित भएन। हम लोग विदेसी राजा लोगन क जरिये तरवार स अउर बन्दीखाने मँ धाँधे जाइ तलक दण्डित भएन ह। उ पचे राजा हमार धन लइ गएन अउर हमका लज्जित किहन। इ स्थिति आजु भी वइसी अहइ।

<sup>८</sup> “आखीर मँ अब तू हम पइ कृपालु भवा ह। तू हमरे बचा भवा लोगन क बन्धुआई स निकरि आवइ दिहा ह अउर आपन पवित्तर जगह मँ पनाह दिहा ह। यहोवा, तू हम क नवा जीवन दिहा ह अउर हमरी गुलामी स अजाद किहा ह।<sup>९</sup> हाँ, हम दास रहे, मुला तू हम क सदा ही क बरे दास नाही रहइ देइ चाहत रहा। तू हम पइ कृपालू रहा। तू फारस क राजा लोगन क हम पइ कृपालु बनाया। तोहार मन्दिर नेस्त नाबूद होइ गवा रहा। मुला तू हम क नवी जिन्नगी दिहा जेहसे हम तोहरे मन्दिर क फुन बनाइ सकित ह अउर नवे क तरह पक्का कइ सकत हीं। ह परमेस्सर तू हम पचन्क यहूदिया अउर यरूसलेम मँ बेरा बनाइ दिहस।

१९ :२ पवित्तर पीढ़ी काहेकि मूसा क व्यास्था अंतरजातीय बियाह क रोकत ह, एज्रा अउर नेतन चिन्ति अहइ कि इ यहूदी साइद गेर यहूदी स मिल जाइ अउर आपन यहूदीपन खो देइ।

१९ :९ बेरा बेरा सव्द क उपयोग यहूदियन क यरूसलेम इस्राएल वापिस ओन क मालिकाना अधिकार क दर्साइ बरे कीन्ह गवा ह।

१० “हमारे परमेस्वर, अब हम तोहसे का कहि सकित ह हम लोग तोहरी आग्या क पालन करब फुन तजि दीन्ह ह। ११ हमरे परमेस्वर, तू अपने सेवकन अर्थात् नबियन क उपयोग किहा अउर ओन आदेसन क हम क दिहा। तू कहै रह्या, ‘जउने देस मैं तू रहइ जात अहा अउर जेका आपन बनावइ जात रह्या ह, उ देस भ्रस्ट अहइ। इ ओन बहोत बुरे कामन स भ्रस्ट भवा ह जेनका हुवाँ रहइवालन किहेन ह। ओन लोग इ देस मैं हर जगह पइ बहोत जियादा बुरे काम किहेन ह। उ पचे इ देस क अपने पापन स गंदा कइ दिहेन ह। १२ एह बरे इस्राएल क लोगो, अपने बच्चन क ओनके बच्चन स बियाह जिन करइ द्या। ओनके संग सम्बंध न रखा। अउर ओनकर चिजियन क लालसा न करा। मोरे आदेसन क पालन करा जेहसे तू सक्तीसाली होब्या अउर इ देस क अच्छी चिजियन क भोग करब्या। तब तू इ देस क बनाए रखब्या अउर अपने बच्चन क देब्या।’

१३ “जउन बुरी घटनन हमरे संग घटिन उ सबइ हमार अपनी अपनी गलतियन स घटिन। हम लोग पाप क करम किहे अही अउर हम लोग बहोत अपराधी अही। मुला हमार परमेस्वर, तू हम क ओहसे बहोत, कम दण्ड दिहा ह जेतना हम मिलइ चाही। हम लोग बड़े भयानक करम किहे अही अउर हम लोगन क एहसे जियादा दण्ड मिलइ चाही। अइसा होत भए भी तू हमरे लोगन मैं स कछू क बन्धुवाई स अजाद होइ जाइ दिहा ह। १४ एह बरे हम जानित ह कि हम क तोहरे आदेसन क तोड़इ नाही चाही। हम क ओन लोगन क संग बियाह नाही करइ चाही। उ सबइ लोग बहोत बुरे काम करत हीं। परमेस्वर जदि हम लोग ओन बुरे लोगन क संग बियाह करत रही तउ हम जानित ह कि तू हम क नस्ट कइ देब्या। तब इस्राएल क लोगन मैं स कउनो भी जिअत नाही बचि पाइ।

१५ “यहोवा, इस्राएल क परमेस्वर, तू अच्छा अहइ। अउर तू अब भी हम मैं स कछू क जिअत रहइ देब्या। हाँ, हम अपराधी अहइ। अउर अपने अपराध क कारण हम मैं कउनो क भी तोहरे समन्वा खड़े होइ नाही दीन्ह जाइ चाही।”

लोग आपन पाप स्वीकार करत हीं

१० एज्रा पराथना करत रहा अउर पापन क स्वीकार करत रहा। उ परमेस्वर क मन्दिर क समन्वा रोवर रहा अउर निहुरिके प्रणाम करत रहा। जउने समइ एज्रा इ कहत रहा उ समइ

इस्राएल क लोगन क एक बड़ा समूह मेहरारू मनसेधू अउर बच्चन ओकरे चारिहूँ कइती बटुर गएन। उ सबइ लोग भी जोर-जोर स रोवत रहेन। २ तब यहीएल क पूत सकन्याह जउन एलाम क सन्तानन मैं स रहा, एज्रा स बातन किहस। सकन्याह कहेस, “हम लोग अपने परमेस्वर क भक्त नाही रहे। हम लोग इ भुइया क लोग क बिदेसी मेहरारूअन क संग बियाह किहा ह। मुला जदपि हम इ कइ चुके अहइ तउ भी इस्राएल क बरे आसा अहइ। ३ अब हम अपने परमेस्वर क समन्वा ओन सबहि मेहरारूअन अउर ओनके बच्चन क वापस पठवइ क वाचा करी। हम लोग इ एज्रा क सलाह मानइ बरे अउ ओन लोगन क सलाह मानइ क बरे करब जउन परमेस्वर क नेमन क सम्मान करत हीं। हम परमेस्वर क नेमन क पालन करब। ४ एज्रा खड़े हवा, इ तोहार उत्तरदायित्व अहइ, किन्तु हम तोहार समर्थन करब। एह बरे साहसी बना अउर एका करा।”

५ एह बरे एज्रा उठ खड़ा भवा। उ प्रमुख याजक, लेवीबसियन अउर इस्राएल क सबहि लोगन स जउन कछू उ कहेस, ओका करइ क प्रतिग्या कराएस। ६ तब एज्रा परमेस्वर क भवन क समन्वा स दूर हट गवा। जब तलक एज्रा हुवाँ रहा उ भोजन नाही किहस अउर न ही पानी पियस। उ इ किहस काहेकि उ तब भी बहोत दुःखी भवा। उ इस्राएल क ओन लोगन बरे दुःखी रहा जउन यरूसलेम क वापस आए रहेन। ७ उ पचे यहूदा अउ यरूसलेम मैं हर एक जगहिया मैं इ एलान किहस कि सबइ यहूदी लोग जउन कि बन्धुवाई स वापस लउटे यरूसलेम मैं एक संग एकट्टा होइ। ८ कउनो भी मनई जउन तीन दिन क भीतर यरूसलेमा नाही आई, तउ ओकर सम्पत्ति उ भुइया मैं जबत कइ लीन्ह जाई। बड़के अधिकारियन अउर नेतन (प्रमुखन) इ निर्णय लिहन अउर उ मनई ओन लोगन क समूह क निअंवर नाही रहि जाई जउन कि बन्धुवाई स वापस लउटी क आएन।

९ एह बरे तीन दिन क भीतर यहूदा अउ बिन्यामीन के परिवार क सबहि मनई यरूसलेम मैं एकट्टा भएन अउर नवें महीने क बीसवें दिन सबहि लोग मन्दिर क आँगन मैं आइ गएन। उ पचे इ बिसय क डर स अउर भारी बर्खा क कारण काँपत रहेन। १० तब याजक एज्रा खड़ा भवा अउर उ ओन लोगन स कहेस, “तू लोग परमेस्वर क बरे बिस्सासी नाही रहेन। तू पचे बिदेसी मेहरारूअन क संग बियाह किहा ह। तू पचे वइसा कइके

इस्राएल क अउर जियादा अपराधी बनाया ह ।  
 ११ अब तू लोगन क यहोवा क समन्वा स्वीकार करब होइ कि तू पचे पाप किहा ह । यहोवा तू लोगन क पुरखन क परमेस्सर अहइ । तू पचन्क यहोवा क आदेस क पालन करइ चाही । अपने चारिहुँ ओर रहइवाले लोगन अउ अपनी विदेसी मेहररूअन स अपने अलग करा ।<sup>१</sup>

१२ तब पूरा समूह जउन एक संग एकट्ठा रहा, एज्रा क जवाब दिहस । उ पचे ऊँची आवाज में कहन: "एज्रा तू बिल्कुल ठीक कहत ह । हम क उ करइ चाही जउन तू कहत ह ।<sup>२</sup> मूला हुवाँ बहोत स लोग अहइ अउर इ बर्खा क समइ अहइ तउ हम लोग बाहेर खड़े नाहीं रहि सकित । इ समस्या एक या दुइ दिन मँ हल नाहीं होइ काहेकि हम लोग बुरी तरह पाप किहे अही ।<sup>३</sup> पूरे समूह क सभा कईती स हमरे प्रमुखन क निणय करइ द्या । तब निहचित समइ पइ हमरे नगरन क हर एक मनई जउन कउनो विदेसी मेहररू स बियाह किहेस ह, यरूसलेम आएन । ओनका अपने अग्रजन (प्रमुखन) अउर नगरन क निआव अधीसन क संग हिआँ आवइ दीन्ह जाइ । तब हमार परमेस्सर हम पइ किरोधित होब तजि देइ ।"<sup>४</sup>

१४ सिरिफ थोड़े स मनई इ जोजना क बिरुद्ध रहेन । इ सबइ मनई रहेन असाहेल क पूत योनातान अउ तिकवा क पूत यहजयाह रहेन । लेवीवंसी मसुल्लाम अउ सब्बतै भी इ जोजना क बिरुद्ध रहेन ।

१६ एह बरे इस्राएल क उ सबइ लोग, जउन यरूसलेम मँ वापस आए रहेन, उ जोजना क स्वीकार करइ क सहमत होइ गएन । याजक एज्रा परिवार क प्रमुख मनईयन क चुनेस । उ हर एक परिवार स एक मनई क चुनेस । हर एक मनई नाउँ लइके चुना गवा । दसवें महीने क पहिले दिन जउन लोगन चुने गए रहेन हर एक मामले क जाँच क बरे बइटेन ।<sup>१७</sup> पहिले महीने क पहिले दिन तलक उ पचे ओन सबहिं मनइयन पइ बिचार करब पूरा कइ लिहन जउन विदेसी मेहररूअन स बियाह किहे रहेन ।

विदेसी मेहररूअन स बियाह करइवाला क सूची  
 १८ याजकन क सन्तानन मँ इ सबइ नाउँ अहइ जउन विदेसी मेहररूअन स बियाह किहन:  
 योसादाक क पूत येसू क सन्तानन, अउर येसू क भाइयन मँ स इ सबइ मनई: मासेयाह, एलीआज़र, यारीब अउर गदल्याह ।<sup>१९</sup> एन सबहिं अपनी-अपनी मेहररूअन स सम्बंध

तोख स्वीकार किहन अउर अपने-अपने अपराध क स्वीकार करत भए हर एक अपने रेवइ स एक-एक भेड़ा अपराध भेंट क रूप मँ चढ़ाएस । उ पचे अइसे अपने-अपने अपराधन क कारण किहन ।

२० इम्मेर क सन्तानन मँ स इ सबइ मनई रहेन: हनानी, अउर जबधाह ।

२१ हारीम क सन्तानन मँ स इ सबइ मनई रहेन: मासेयाह, एलीयाह, समायाह, यहीएल अउर उज्जिय्याह ।

२२ पसहूर क सन्तानन मँ स इ सबइ मनई रहेन: एल्योएनै, मासेयाह, इसमाएल, नतनेल, योजाबाद अउर एलासा ।

२३ लेवीवंसियन मँ स एन मनइयन विदेसी मेहररूअन स बियाह किहस:

योजाबाद, सिमी, केलायाह (एका कलीता भी कहा जात) । ह पतहवाह, यहूदा अउर एलीआज़र ।

२४ गायकन मँ सिरिफ इ मनई अहइ, जउन विदेसी मेहररू स बियाह किहस:

एल्यूसीब, दुआरपालन मँ स इ सबइ लोग अहइ जउन विदेसी मेहररूअन स बियाह किहस: सल्लूम, तेलेम अउर ऊरी ।

२५ इस्राएल क लोगन मँ स इ सबइ लोग अहइ जउन विदेसी मेहररूअन स बियाह किहन:

परोस क सन्तानन स इ सबइ मनई: रम्याह, यिज्जियाह, मल्लिकय्याह, मियामीन, एलीआज़र, मल्लिकय्याह अउर बनायाह ।

२६ एलाम क सन्तानन मँ स इ सबइ मनई: मत्तन्याह, जकर्याह, यहीएल, अब्दी, यरेमोत अउर एलीयाह ।

२७ जत्तू क सन्तानन मँ स इ सबइ मनई एल्योएनै, एल्यूसीब, मत्तन्याह, यरेमोत, जाबाद अउर अजीजा ।

२८ बेवै क सन्तानन मँ स इ सबइ मनई: यहोहानान, हनन्याह, जब्बै, अउर अतलै ।

२९ बानी क सन्तानन मँ स इ सबइ मनई: मसुल्लाम, मल्लूक, अदायाह, यासूब, साल अउर यरामोत ।

३० पहतमोआब क सन्तानन मँ स इ सबइ मनई: अदना, कलाल, बनायाह, मासेयाह, मत्तन्याह, बसलेल, बिन्नुई अउर मनस्से ।

३१ हारीम क सन्तानन मँ स इ सबइ मनई: एलीआज़र, यिस्सिय्याह, मल्लिकयाह, समायाह, सिमोन, ३२ बिन्यामीन, मल्लूक अउर समर्याह ।

- ३३ हासूम क सन्तानन मँ स इ सबइ मनई : मत्तनै, मत्तत्ता, जाबाद, एलीपेलेत, यरेमै, मनस्से अउर सिमी ।
- ३४ बानी क सन्तानन मँ स इ सबइ मनई : मादै, अम्राम, ऊएल, ३५ बनायाह, बेदयाह, कलूही, ३६ बन्याह, मरेमोत, एल्यासीब, ३७ मत्तन्याह, गत्तनै, यासू,
- ३८ बिन्नुई क सन्तानन मँ स इ सबइ मनई : सिमी, ३९ सेलेम्याह, नातान, अदायाह, ४० मक्नदवै,

- सासै, सारै, ४१ अजरेल, सेलेम्याह, सेमर्याह, ४२ सल्लूम, अमर्याह, अउर योसेफ ।
- ४३ नबो क सन्तानन मँ स इ सबइ मनई : यीएल, मत्तित्याह, जाबाद, जबीना, यद्दो, योएल अउर बनायाह ।
- ४४ एन सबहिं लोग बिदेसी मेहररूअन स बियाह किहे रहेन अउर एनमाँ स कच्छू क एन मेहररूअन मँ स बच्चे भी रहेन ।